



UNIVERSITÄTS-
BIBLIOTHEK
PADERBORN

Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

Bolland, Johannes

Parisiis et Romae, 1869

Synopsis Partis Posterioris Tomi Septimi De Actis Sacttorum Octobris.

[urn:nbn:de:hbz:466:1-67915](https://nbn-resolving.org/urn:nbn:de:hbz:466:1-67915)

SYNOPSIS

PARTIS POSTERIORIS TOMI SEPTIMI

DE ACTIS SANCTORUM

OCTOBRIS.

Hæc pars posterior tomi septimi Octobris diem sextum decimum hujus mensis complectens, Sanctos *triginta septem* nominatim cum Sanctis Martyribus *sexcentis triginta septem* anonymis recenset. De his quatuor in classes, quarum tres priores quidem ecclesiastici, monastici et sæcularis status viros; quarta vero cujuscumque conditionis feminas continet, divisit, his pauca pro more Majorum nostrorum secundum ordinem, quo in hac parte tomi Octobris septimi dantur, præmittimus.

EX STATU ECCLESIASTICO.

Classem hanc aperit *Eliphius*, qui paulo post medium quartum sæculum martyrium subiit. De *Colmano*, sæculo sexto Killruadhensi in Hibernia episcopo, pauca, eaque suis impedita difficultatibus, statuere nobis licuit. *Magnobodus*, Andegavensis episcopus, circa annum *DCLXX* defunctus, binos biographos nactus est, Anonymum coævum, quem edimus, et *Marbodum* episcopum Rhedonensem, qui priorem *Vitam* tersiori et contractiori stylo, fere ad amussim, expressit. Anno probabilis *DCLXXXIII* *Mummolinus* seu *Mummolenus*, S. Eligii in cathedra Noviomensi et Tornacensi successor, obiit: hujus Sancti Acta, hactenus inedita et Commentario prævio adornata, damus ex veteri Ms. codice Noviomensi. Ad sæculum octavum pertinet *Ambrosius* Cadurcensis episcopus circa annum *DCLXX* vita functus, cujus Acta ab auctore subæquali scripta, damus ex antiquo satis codice, collato cum Ms. Regiæ Sueciæ. Proximum sibi locum vindicat *Lullus*, Moguntinus archiepiscopus et S. Bonifacii Martyris discipulus ac successor. Obiit Sanctus anno *DCLXXXV*, ejusque Acta satis vestusta Commentario prævio illustravimus. Gloriosum agmen claudit vir sanctitate insignis, *Bertrandus*, Convenarum episcopus, cujus *Vitam* coævam, jam pridem editam, sed ad optimum exemplar collatam, recudimus, præmisso Commentario prævio, in quo variæ quæstiones ad chronologiam et topographiam spectantes elucidantur.

Tomus VII Octobris, Pars Posterior.

EX STATU MONASTICO.

De *Malo* seu *Maleo*, quem græca Kalendaria Eremitam, Patrem et Thaumaturgum appellant, pauca supersunt, incertumque est sæculum, quo floruit; sed documentorum parvas aliquosque monstrat illum ad antiquiora tempora pertinere. In persecutione Vandalica mortem pro fide catholica appetiere anno *CCCLVIII* aut sequenti, *Martinianus*, *Saturianus* eorumque fratres duo: hi e servitute elapsi, suadente Maxima Virgine, eorum conserva, in monasterium Tabracense confugerunt; unde vi abrepti plurima tormenta sustinuerunt, ut late describit Victor Vitensis. In Commentario prævio ad *Vitam Juniani*, retractata sunt illa quæ Majores nostri ad diem *XXV Junii* de *Amando* Juniani magistro, dixerant; dein utriusque Sancti ab homonymis distinctio late indicata fuit. In annum circiter *DCXXVII* incidit obitus *Galli* discipuli S. Columbani, licet plerique recentiores tempus emortuale usque ad annum quadragesimum quintum sæculi septimi prorogare contendant: in Commentario prævio variæ quæstiones attinguntur, quæ Acta S. Columbani et initia celeberrimi monasterii S. Galli illustrant. *Vitam* S. Galli octavo sæculo exaratam e Monumentis Germaniæ historicis Cl. Georgii Henrici Pertz edimus. E *Flodoardi* Historia ecclesiæ Remensis damus Acta *Balderici* Falcomontensis atque hac occasione puncta quædam ad antiquitates Remenses spectantia examinantur. *Baldericum* in hac classe excipit *Bercharius*, Martyr, fundator monasteriorum in Altovillari et Dervo, cujus Acta ex antiquioribus documentis scripsit sæculo *X* Adso, Dervensis abbas. Qui sequitur *Vitalis*, in Ratiatensi pago eremita, distinguitur imprimis ab aliis ejusdem nominis Confessoribus; ac dein inquiritur in ejus ætatem satis dubiam, quæ tamen ante medium sæculum nonnumquam effluxisse videtur: quibus omnibus subnectitur Sancti *Vita* ex duplici Breviario Ms. Tre-norchiensi extracta, et suppleta ex Ms. Gallico ecclesiæ S. Vitalis. Eodem circiter tempore vixit *Gurdanius* sive *Gurdinellus* Duaci cultus; sunt

A

non

SYNOPSIS PARTIS POSTERIORIS TOMI SEPTIMI.

non pauci eruditi, qui duplicem hic sibi fingunt Sanctum, sed probabilibus monstramus argumentis unum eundemque, immutato licet aliquantisper nomine, designari. Paucula nobis servavit antiquitas de *Germano* eremita et *Martyre*, in *Arvernia*; incertum quoque vitæ tempus quod tamen medium sæculum undecimum antecessit. *Anastasius*, monachus et eremita in Gallia, circa annum *MLXXXV* defunctus, biographum nactus est coævum, *Galterium*, cui tamen non plane assentimus, quando refert Sanctum fuisse missum in Hispaniam ad prædicandum Sarracenis; probabilior enim nobis est scopus missioni præfixus abolitio liturgiæ Hispanæ et rituum Romanorum inductio. Exeunte sæculo duodecimo floruit *Ebuli*, in diocesi Salernitana regni Neapolitani, *Bernerius*, eremita, cujus Vita, centum fere annis post mortem scripta et adhuc anecdota, editur: atque hac occasione *Bienerum* quemdam *Uxamensem*, qui numquam exstitit, e catalogo Sanctorum expunximus.

EX STATU SÆCULARI.

Qui primi in hac classe occurrunt, Martyres sunt, primis Ecclesiæ sæculis glorioso certamine perfuncti: *Bassianus*; *Saturninus* cum *Nereo*, *Mireo*, *Aufido* et sociis *CCLXV*; *Leontius* cum sociis *Domitio*, *Terentio* et *Domnino*. Vandalis in Galliam irrupentibus, circa annum *CCCVI* martyriam subiisse videtur *Silvanus*: colebatur olim

in *Agedunensi* cœnobio agri *Lemovicensis*, qua occasione ejusdem monasterii origines discutiuntur. *Salvium* *Autisiodorensem*, eundem statuum cum *Nivernensi*, sed diversum ab *Albigensi*. *Gaudericus*, qui vixit ante sæculum decimum, fertur coluisse pietatem dictam *Angelus*, unde nascitur et discutitur quæstio de origine hujus devotionis, simulque inquiritur in varias accessiones factas *Angelicæ* salutationi, prout reperitur in sacris libris.

EX STATU FEMINEO.

Cæoram ex *Hieronymianis* nobis notam, licet *Asiæ* deputet *Rabanus*, ad *Africam* potius propter unanimum aliorum martyrologorum auctoritatem pertinere cum sociis *CCLXX* censemus. Tempore probabiliter *Juliani* apostatæ passa est. *Bolonia*, quæ in agro *Bassiniacensi* dioceseos *Lingonensis* colitur: fertur caput amputatum propriis manibus gestasse, ac ostenditur id genus miraculi frequenter Sanctis in Gallia Martyribus affingi. *Martiniani* et sociorum consors fuit *Maxima*, Virgo, quæ liberata a jugo *Vandalico*, multarum virginum mater postea exstitit. De *Kiara*, Virgine, pleraque nos latuerunt; constare tamen videtur illi deberi originem monasterii *Kilchreæ* in provincia *Momonæ*, in *Hibernia*. *Arvernia* tandem nobis offert pro coronide *Bonitam*, Virginem *Brivate* cultam, cujus res gestas plerasque delevit oblivio.